

08 MAY 1997

KETUA MENTERI ANDHRA PRADESH MELAWAT MALAYSIA

NEW DELHI, 8 Mei (Bernama) -- Ketua Menteri negeri Andhra Pradesh di selatan benua India, Chandrababu Naidu, akan mengetuai satu delegasi ke Malaysia dan Singapura minggu depan untuk menarik pelabur ke negeri itu.

Naidu yang mengetuai rombongan anggota politik, pegawai kanan dan wakil-wakil perdagangan dan komersil akan bertemu dengan Perdana Menteri Malaysia, Datuk Seri Dr Mahathir Mohamad pada Isnin depan.

Menurut akhbar berbahasa Inggeris "The Hindu" lawatan itu antara lain ialah untuk mengkaji strategi pembangunan dan pelaksanaan program-program yang membantu Malaysia mencapai kadar pertumbuhan ekonomi yang pesat.

Delegasi itu akan berlepas ke Kuala Lumpur pada Ahad ini dan akan berada di Malaysia sehingga 15 Mei sebelum bertolak ke Singapura untuk lawatan dua hari.

-- BERNAMA

MP JK PR